



Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 30. Funesta mala ex Christianæ classis clade suborta.

[urn:nbn:de:hbz:466:1-66800](#)

siduos Christianos in servitutem abstra- Sæcul. XVI.
 herent: cum ergo Pro-Rex ob hanc A.C. 1560.
 cladem animo dejectus, ac non minus
 ignominia suffusus, quam dolore tactus
 eoquod Auriæ consilium secutus non
 fuisset, qui noctu omnes copias ad na-
 ves revocari, nullatenus vero Turcarum
 adventum exspectari voluit, primas eo
 curas intendit, ut fuga sibi consuleret,
 unde per Carvanum Calissam, necnon
 per Tunetani Regis filium effictim Schei-
 chum rogabat, ut suos milites benigne
 haberet: ast hic illos adeo non excepe-
 rat, ut ipsus etiam auffugeret, atque
 in montibus securitati suæ prospiceret,
 veritus, ne in Turcarum manus inci-
 deret.

§. XXX.

Funepta mala ex Christianæ classis clade suborta.

Postea Joannes Andreas Auria unacum *Thuan. l. c.*
 septem triremibus adversante vento
 in Gerbiensis Insulæ canalem depelli-
 tur, ubi Christiani uno milliari a terra
 distantes in undas profiliunt, rursus
 omni, quo poterant, modo in Insulam
 exscendentes: nonnullæ vero triremes
 sequebantur Equitem Maldonatum, qui
 ad Sphaxense Promontorium delatus,
 in altum maris excurrit, atque incola-
 mis Melitam pervenit: Porro illi omnes,

Pp 2

qui

Sæcul. XVI

A.C. 1560.

qui in Insula Gerbi erant, habita inter
se deliberatione consultissimum confe-
bant, ut Pro - Rex, atque Auria Mes-
sinæ Portum in Sicilia attingere fata-
gerent, Alvarus vero Sandæus celebris
Bellidux in arce remanens illam strenue
tueretur: Itaque Hispani eodem adhuc
vespere unacum novem minoribus na-
vigiis vela faciebant.

Ceterum in hac expeditione a Tur-
cis capti sunt quamplurimi, atque in-
ter ceteros Nobiles præcipue Flaminius
Anguillara Pontificiarum triremium
Præfектus, Sanctius Leva Neapolitanæ
classis Architalassus, Berengerius Re-
quesenes, & Gasto Cerdæ Ducis, ac
Siciliæ Pro - Regis Filius, exercitus
Dux, præter Episcopum Majoricensem.
Reportata hac victoria Pialis Bassa Ot-
tomanicæ classis Præfектus mancipiis,
ac præda onustus Constantinopolin re-
versus Draguti, qui tum Tripoli age-
bat, præcepit, ut Gerbim Insulam ag-
grederetur. Hic quantocius mandata
exequens suos milites exscendere jussit,
ac præprimis minora occupavit propug-
nacula, quæ ab Hispanis eo adventan-
tibus prope puteos fuere erecta. Verum
Sandæus, cum suorum paucos admo-
dum in Insula numeraret, hunc Pira-
tam excursione facta aggredi non aude-
bat, haud consultum ratus, militum

suo

suorum vitam ancipiti sorti exponere, præcipue cum de suppetiis proxime submittendis haud dubitare posset, eoquod ab hujus Insulæ conservatione totam rei summam dependere, Hispanis sat perspectum esset.

Sæcul. XVI.
A.C. 1560.

§. XXXI.

Gerbis Insula a Dragute obsessa.

Attamen puteorum jaætura obseffis opido funesta erat, eoquod diutius salubri aqua destituti, donec cisternæ pluviis copiose cadentibus replerentur, exspectare cogarentur: interea autem æstivis caloribus indies magis excrescentibus obseffi sæva siti cruciabantur, tanquam erat aquæ penuria, ut ea auri pondere venderetur: nihilominus quoddam miseris levamen afferebat quidam Siculus, nomine Sebastianus Pollira, qui ingenioso distillationis artificio falsam maris aquam in dulcem convertere novarat. Attamen aucta aquæ penuria plures sitis vehementiæ ulterius resistendo impares pulveri pyrio ignem subjicere, arcemque uno impetu disiicere decreverunt, ut se se a calamitatum, quibus pene conficiebantur, diuturnitate saltem subitæ mortis beneficio liberarent.

Pp 3

§. XXXII.